

SYMBOLA  
DIVINA & HUMANA  
PONTIFICUM,  
IMPERATORUM  
REGUM;

Ex Museo

OCTAVII de STRADA,  
CIVIS ROMANI.

*Accessit brevis & facilis Isagoge*

JACOBI TYPOTII.



ARNHEMIÆ,

Apud JOH. FRIDERICUM  
HAGIUM.

ANNO MDCCLXXIX.

*Symbola. S. Crucis.*  
VI. HIER. GEM.



## VI. Hierographia gemina.

## TEMPERANTIA.

En virtutis gemmæ, totidem facies. Temperantiæ & Fortitudinis. Delitiæ enim non est Crux.

1. Si inimitabilis est Christi virtus; Bos ab armento digressus, quod fit & fieri scribit Aristoteles, ἀτιμαγελεῖν vocat, & sub illice, recubans, solitudinem nobis continentiam, & parsimoniam commendat: Jam enim non despumat in libidinem: & nos si vitaremus contagia: & ut ille, glandifera arbore, nos paucis contenti, pabulum Luxuriæ negaremus, ne tenor vitæ concinnior existeret & dignior Christo, cui vita nostra tanti constitit. Nec taurus solum non instruit, prò pudor! brutum animans; sed nec animans, frenum & canon, quæ de ramo ilicis vides pendere, ut appetitum refrenemus, & rationis canone compeſcamus.

## FORTITUDO.

2. Et hîc bellua nos animat. Rhinoceros est, ad fortitudinem, ut Taurus ad Temperantiam, melius nota Oppiano, quàm Aristoteli. Nam Romæ Pompejus exhibuerat populo: Emanueli Regi Lusitaniæ exhibuit Cambeja. Fortitudinis exemplar est: quod è duello,

duello, quod cum Elephante, propter pascua perpetuum est, nunquam redeat, ni par-  
ta victoria. Mori scilicet mavult, quàm vin-  
ci. Ad Fortitudinem quoque spectant, quæ  
vides de annosa quercu suspensa, Arcus &  
Pharetra, imò ipsa quercus, quæ suo robo-  
re, elidit robur tempestatis, ne dicam tem-  
poris. Ita longæva est. Quanquam non vires  
corporis, sed animi robur, animans nos per  
animantia, plantas, & inanima Natura à  
nobis requirat. Fortis enim est, qui se ipse  
vicit: & quibus vulgo pauci reluctantur, si  
non ratione, recordatione Crucis, superavio  
animi, veluti procellas, impetus.



*Symbo-*